



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Et Concilium Tridentinum à Catholicis recipitur.

urn:nbn:de:hbz:466:1-41515

autores ipsos fuisse eius sententiæ, quæ conuentui exitum pacatum dedisset. Vnde Cæsar & toti Societati conciliatus est, & haud modicè reconciliatus Canisio: quem aduersarium sibi nominatim fingebat. Nec equidem ambigam Canisij potissimum, pro autoritate, qua apud maximos quosq; Antistitum sacrorum pollebat, studio, & labore perfectum, vt de Tridentino quoq; Concilio, quod satis visum est in præsentia, in Catholicorum confesso probaretur, atque reciperetur. Præterea cum probrosum commentarium, valdeq; perniciosum Hæretici proposuissent Catholicis, graui id, solidaq; disputatione de ceterorum Patrum sententia refutauit Canisius.

Iniunxerat Natali Præpositus Generalis Borgia, vt septentrionales Prouincias expeditus Augustano conuentu, inspectaret. Ad eam rem cum primum licuit digressus, Canisium circumduxit, qui tanquam discipulus Magistrum obsequio summo, & obseruantia sequebatur. Quanquam se omninò perfunctum administratione Prouinciæ suæ sperabat, cum iam diu, ex quo tempore Romam ad Comitia creandi Generalis adierat, ac deinceps per Augustani conuentus tractum

*Et Concilium
Tridentinum
à Catholicis
recipitur.*